


Vischnaunca Obersaxen Mundaun



**Lescha per carrar sin vias d'uaul e da funs
cun vehichels a motor**

Cuntegn

I. Classificaziun dallas vias d'ual e da furs

Vias d'ual e da furs senza scamond da carrar	Art. 1
Scamond da carrar cun lubientscha excepziunala	Art. 2
Scamond da carrar per vehichels a motor	Art. 3
Vias privatas	Art. 4

II. Obligaziun da lubientscha

Viadis senza obligaziun da lubientscha	Art. 5
Viadis cun lubientscha extraordinaria	Art. 6

III. Lubientschas, tariffas

Lubientschas	Art. 7
Tariffas	Art. 8

IV. Perscripziuns temporalas

Restricziuns temporalas	Art. 9
Parcadi	Art. 10
Restricziun locala	Art. 11
Reparaziun da donns	Art. 12
Seivs da pastira	Art. 13
Tschufferganda da vias	Art. 14
Rumida da neiv entras privats	Art. 15

V. Determinaziuns finalas e disposiziuns penalas

Responsabladad	Art. 16
Determinaziuns penalas	Art. 17
Execuziun	Art. 18
Publicaziun e signalisaziun	Art. 19
Vigur	Art. 20

Sebasont sin art. 3 LTV, art. 7 ed 8 LitLTV sco era art. 15 LU, art. 13 OU, art. 20 LCU ed art. 16 OCU concludiu dalla radunonza communal da dils _____.

I. Classificaziun dallas vias d'uaul e da funs

Art. 1

Vias d'uaul e da funs senza scamond da carrar

Las suandontas vias d'uaul e da funs han la funcziun da vias communalas ed ein aviartas per il traffic cun vehichels a motor:

- Vias cun la numeraziun dad 1 entochen 19

Ei vala ina peisa maximala totala admissibla da 18 tonnas

Art. 2

Scamond da carrar cun lubientscha excepziunala

Las suandontas vias d'uaul e da funs surveschan sper l'economia d'uaul ed agricultura aunc ad ulteriurs intents. Ei vala in scamond da carrar general per vehichels a motor cun excepziuns tenor art. 5 e 6 da questa lescha:

- Vias cun la numeraziun da 20 entochen 39

Ei vala ina peisa maximala totala admissibla da 18 tonnas.

Art. 3

Scamond da carrar per vehichels a motor

Las suandontas vias d'uaul surveschan exclusivamein per l'economia d'uaul e l'agricultura. Da quellas astga mo vegnir fatg diever tenor lescha cantunala e federala d'uaul sco era tenor intents previ tenor art. 5 e 6 lit a da questa lescha per carrar cun vehichels a motor.

- Vias cun la numeraziun da 50 entochen 130

Art. 4

Vias privatas

Il carrar sin quellas vias ha da vegnir regulau sez entras ils proprietaris dalla via.

II. Obligaziun da lubientscha

Art. 5

Viadis senza obligaziun da lubientscha

Negina lubientscha basegnan:

- a) Tuts viadis per diever dall'agricultura e/u forestalessen.
Per viadis dall'agricultura cun targia alva retscheiva mintga me-naschi 1-2 cartas da controlla, la quala sto esser indispensabla-mein egl auto.
- b) Tut ils viadis da survetsch da polizia, dil survetsch forestal, dils organs da survigilanza da catscha, dalla sanitad, dils pumpiers, dalla guardia dad ieli e chemia, viadis per ademplir activitads ufficialas ni legalas (p.ex. polizia da baghegiar, spazzatgamin, inspecziun dalla cumissiun da fiug, dertgiras per uatgas e.a.v.) sco era viadis en survetsch dalla confederaziun, dil cantun e dalla vischnaunca.
- c) Viadis da miedis e da veterinaris en activitad professiunala.
- d) Viadis che vegnan ordinai d'in post cumpetent a caschun d'accidents, d'incendis e da catastofas.
- e) Viadis pil transport da selvaschinas d'unгла fessa sittadas ed il transport da cadavers d'animals.
- f) Viadis per lavurs da manteniment e sanaziun incl. lavurs da survetsch d'unviern.
- g) Vehichels da personas impedidas dad ir a pei (personas cun canna, crutschas, rollatur e sutga da rodas).

Art. 6

Viadis cun lubientscha extraordinaria

Lubientschas da carrar sin certs tschancuns vegnan tschentadas ora per:

- a) Vehichels da proprietaris e fittaders da beins immobigliars pigl access da lur schischom.
- b) Vehichels da furniturs, da glied da professiun, d'ustiers da tegias, da concessiunaris e.a.v. per praticar lur activitad.
- c) Viadis dad interpresas da funicularas e turissem.
- d) Viadis per construir baghetgs e stabiliments.
- e) Furniturs per certs intents.
- f) Viadis per transports da lenna sort.

La suprastonza communal sa relaschar ulteriuras reglementaziuns sin tschancuns da vias.

III. Lubientschas, tariffas

Art. 7

Lubientschas

Specia da lubientscha	Post da vendita
Lubientscha da sesiun	Administraziun communal
Lubientscha da 14 gis	Administraziun communal, lubientscha digitala, post d'informaziun da turissem, menaschis elegi
Lubientscha dil gi	Administraziun communal, lubientscha digitala, post d'informaziun da turissem, menaschis elegi

La lubientscha dil gi ei valeivla il gi d'emissiun. Per il retuorn vala ella aunc dus ulteriurs gis.

La lubientscha dil gi e la lubientscha da 14 gis ein mo valeivlas sin las vias menziunadas ed ein buca transferiblas sin in auter vehichel.

Ina lubientscha da sesiun ei transferibla sin in secund vehichel, denton mo valeivla el vehichel ch'ella sesanfla. Per fatschentas sa vegnir lubiu il transferiment sin differents vehichels da fatschenta.

Lubientschas per transportar lenna sort vegnan surdadas gratuit ensem cun la surdada dalla sort.

Vegn ei fatg diever per in temps limitau d'ina lubientscha per plirs vehichels (viadis specials, lavurs da baghegiar, etc.) sa la suprastonza communal tschentar ora ina lubientscha speciala.

Tuttas lubientschas ein da plazzar bein veseivlas vid il vehichel (croda tier la lubientscha digitala).

Art. 8

Tariffas

Per lubientschas valan las suandontas tariffas:

Lubientscha da sesiun	CHF 35.00
Lubientscha da 14 gis	CHF 15.00
Lubientscha dil gi	CHF 5.00

Vehichels a motor da duas rodas pagan la mesadad e tals sur 3.5 tonnas il dubel dallas suramenziunadas tariffas.

Per viadis tenor art. 3 en cumbinaziun cugl art. 6 lit. a vala ina tariffa da sesiun da CHF 10.00. En cass ch'il possessur dalla lubientscha posseda gia ina lubientscha da sesiun, lu ei quella taxa gia cuntenida lien.

La suprastonza communal sa per vehichels sur 3.5 tonnas tenor norma purtativa dalla via, tenor stediadad dils viadis, tenor lunghezia dil tschancun e tenor peisa dil vehichel pretender ina contribuziun supplementara vid il manteniment dalla via (art. 8, alinea 3 LitLTV)

IV. Perscripziuns temporalas

Art. 9

Restricziuns temporalas La suprastonza communal sa en cass da relaziuns disfavoreivlas (p.ex. menaschi d'unviern) scumandar il carrar sin vias u relaschar restricziuns per in cert temps e/u per certas categorias da vehichels.

Art. 10

Parcadi Agl ur dallas vias e sin piazzas dalla vischnaunca dad Obersaxen Mundaun vala in scamond general da parcar.

Ei astga vegnir parcau vehichels mo sin piazzas ch'ei previdas e marcadadas per quei intent.

Art. 11

Restricziun locala Il terren cunfinont cun la via astga buca vegnir carraus.

Il cruchar astga succeder sulettamein en loghens previ ed adattai persuerter.

Art. 12

Reparaziun da donns Survarga il volumen da transports per baghetgs ed indrezs 200 tonnas, ei la vischnaunca autorisada d'adossar ils cuosts da donns caschunai vid la via duront la fasa da baghegiar al construider dil baghetg ni stabiliment. Avon la partenza e suenter la finiziun dallas lavurs ei da far in protocol dalla via, il qual vegn suttascrets dad omisduas partidas.

Art. 13

Seivs da pastira Sper las scarpas encunter val el territori da pastiras ei da tener ina distanza minimala dad 1 meter naven digl ur dil banchet per aschia evitar donns entras scavazs dalla biestga. El territori d'alp nua che las vias vegnan buca clausas ora, han ils urs dalla via e las scarpas da vegnir reparadas entras il manischader.

Art. 14

Tschufferganda da vias Las parts dallas vias che vegnan duront la cultivaziun da terren agricol ni a caschun da lavurs da baghegiar ni semegliontas caussas tschuffergnadas, han da vegnir schubergiadas raschuneivlamein entras il caschunader.

Art. 15

Rumida da neiv entras privats Rumir neiv entras privats astga vegnir fatg explicit mo cun lubientscha dalla vischnaunca.

V. Determinaziuns finalas e disposiziuns penalas

Art. 16

Responsabladad Il proprietari dalla via ei responsabels tier donns ed accidents mo enteifer la responsabladad da proprietari dall'ovra (art. 58 DO).

Art. 17

Determinaziuns penalas Surpassaments da questa lescha vegnan castigai entras la suprastonza communal cun ina multa dad entochen CHF 200.00, en cass da repetiziun entochen CHF 1'000.00. Resalvai restan cass, ils quals vegnan entras il dretg federal resp. dretg cantunal castigai.

Igl abus dalla lubientscha sa haver sco consequenza la privaziun permanenta ni temporal da quella.

Art. 18

Execuziun L'execuziun da questa lescha ei cussa dalla suprastonza communal. Ella sa delegar quella cumpetenzza ad funcziunaris comunals ni a tiarzas persunas.

Art. 19

Publicaziun e signalisaziun Las restricziuns da traffic ch'ei vegnidas relaschadas entras quella lescha ein tenor art. 107 alinea 1 e 2 OSS da publicar.

La signalisaziun ha da succeder en cunvegrientscha cun la polizia cantunala.

Art. 20

Vigur Questa lescha va en vigur suenter finiziun dalla procedura tenor art. 7 alinea 2 LitLTV e suenter che las signalisaziuns corrispudentas ein vegnidas piazzadas el liug entras conclus dalla suprastonza communal.

Approbau dalla radunonza communal dils 20 d'avrel 2018. Mess en vigur entras la suprastonza communal igl 1 da matg 2018.

il president communal il scarvon communal

Ernst Sax Hiazint Brunold